

Newbec

NEW WAY OF BEING CHURCH

Hari Minggu Biasa Ke-14

GARAM DAN TERANG DUNIA: PERSEKUTUAN, PENYERTAAN DAN MISI

FOKUS BULANAN:

HARI DATUK NENEK DAN WARGA TUA SEDUNIA (24 Julai)

Jadilah Pengutus Damai

Tugas Gereja untuk mengutus para misionaris adalah tugas yang mendesak dan berterusan dalam setiap zaman. Bacaan pertama dari Nabi Yesaya adalah janji Allah yang penuh kasih dan lemah-lembut untuk melindungi dan menyediakan bagi umat-Nya. Dia menjanjikan kelimpahan berkat: "Aku mengalirkan kepadanya keselamatan seperti sungai, dan kekayaan bangsa-bangsa seperti batang air yang membanjir." Dia menjanjikan penghiburan dan kedamaian yang kekal: "Seperti seseorang yang dihibur ibunya, demikianlah Aku ini akan menghibur kamu."



PETIKAN TULISAN SUCI UNTUK DIHAFAL:

Kalau kamu memasuki suatu rumah, katakanlah lebih dahulu: Damai sejahtera bagi rumah ini!

(Lukas 10:5)

Mazmur Tanggapan adalah respons yang tepat dari orang-orang untuk janji-janji Allah yang mengagumkan dan pengasih: "Bersorak-sorailah bagi Allah, hai seluruh dunia!" Bagi orang yang sangat dikasihi dan dipedulikan oleh Allah, tidak ada ruang untuk ketakutan dan kesedihan. Sukacita dan kesyukuran hendaklah sentiasa memenuhi hati kita.

Bacaan kedua dari Surat Santo Paulus kepada Jemaat Galatia memberikan pujian dan kemuliaan kepada salib Kristus: "Tetapi aku sekali-kali tidak mau bermegah, selain dalam salib Tuhan kita Yesus Kristus." Salib Kristuslah yang memperbaharui kehidupan dunia dan mengisi hidup kita dengan kedamaian.

Kisah Injil adalah mengenai pengutusan Tujuh puluh dua murid dalam misi. Yesus memberi mereka arahan praktikal khusus sebelum mereka memulakan misi untukewartakan Khabar Gembira tentang keselamatan. Arahan ini bertujuan untuk membimbing mereka dalam tugas ini, dan juga untuk mengingatkan mereka bahawa akhirnya, ia adalah kerja Allah dan mereka hanyalah alat-Nya. Jadi, mereka hendaklah sentiasa merendah diri, patuh dan bergantung sepenuhnya kepada Allah dalam kegiatan misionaris mereka.

Jemputan untuk mengambil bahagian dalam pekerjaan Tuhan, untuk menjadi garam dunia dan terang dunia disampaikan kepada generasi kita. **Misi kita adalah untuk membawa damai Kristus ke mana sahaja kita pergi dan kepada semua yang kita temui.** Tiada latihan atau pendidikan khusus diperlukan untuk pekerjaan itu, kerana firman Allah sedang menanti untuk lahir dengan cara yang lebih total dalam diri kita masing-masing. Apa yang diperlukan hanyalah usaha dari pihak kita untuk membenarkan kebaikan Allah bersinar dalam hidup kita. Oleh kerana Tuhan bergantung kepada kita sebagai penolong-Nya, Kristus akan dimuliakan melalui kesaksian kita tentang Dia.

Marilah kita menghidupkan Yesus secara konkrit kepada orang-orang di dunia melalui kehidupan kita. Sebagai orang Kristian, marilah kita menjadi penyampai kebaikan dan kasih Allah pada zaman kita. ✝

AYAT SUCI MINGGU INI

Yesaya 66: 10-14;

Mazmur 65: 1-7,
16, 20;

Galatia 6: 14-18;

Lukas 10: 1-12, 17-20
or 10: 1-9.